

Oqaluuserisassanut nassuiaat.

(Inatsisartut Siulittaasoqarfiat)

Ilaqutariinnermut Peqqissutsimullu Ataatsimiititaliaq qinnuteqarpoq oqaluuserisassani immikkoortup 134-p, Angajoqqaarsiat aamma ilaqutariit oqilisaasut meeqqanunut paarisaminnut ilaquataangitsut minnerpaamik 25-nik ukioqalereersimasarnissaat aalajangersaaffigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuutip aappassaaneerpeqarnisaata UPA 2012-mut kinguartinnissaanik. Immikkoortoq pineqartoq ulloq 14. november aappassaaneerpeqartussaagaluarpoq.

Inatsisinut Ataatsimiititaliaq qinnuteqarpoq oqaluuserisassani immikkoortup 135-p, Suliassat meeqqanik kinguaassiuutitigut atonerluinnermut tunngasut pisoqalisinnaannginnerannik qulakkeerisumik Kalaallit Nunaanni pinerluttaalisitsinnermut inatsisimmi § 12-p imaanik allangortitsisinissaq siunertaralugu Inatsisunik Atortitsinnermut ministeri siunnersuummik saqqummiusseqqullugu qinnuigineqarnissaa pillugu, Naalakkersuisut peqquneqarnissaannik Inatsisartut aalajangiiffigisassaattut siunnersuutip aappassaaneerpeqarnisaata UPA 2012-mut kinguartinnissaanik. Immikkoortoq pineqartoq ulloq 14. november aappassaaneerpeqartussaagaluarpoq.

Sanaartornermut Avatangiisinullu Ataatsimiititaliaq qinnuteqarpoq oqaluuserisassani immikkoortup 91-p, Kalaallit Nunaanni CO2-mik aniatitsinerup annikillisar-nissaanut, silaannaallu avatangiisinut illersuisumik atorpeqarnissaanut ileqqussanik, atuinissamullu innuttaasunik paasititsiniaanissanut naalakkersuisut sulissute-qaqquneqarnissaannik Inatsisartut aalajangiiffigisassaattut siunnersuutip aappassaaneerpeqarnisaata ulloq 15. novemberimut kinguartinnissaanik.

Immikkoortoq pineqartoq ulloq 9. november aappassaaneerpeqartussaagaluarpoq.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq qinnuteqarpoq oqaluuserisassani immikkoortup 30-p, Meeqqat atuarfiat pillugu inatsisip allangortinneqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni tuluit oqaasii danskit oqaasii naligalugit minnerni aallartittumik atuartitsissutigineqartalersillugit

aappassaaneerneqarnissaata kinguartinnissaanik. Immikkoortoq pineqartoq ulloq 8. november aappassaaneerneqartussaagalarpoq. Maanna siunnersuutigineqarpoq immikkoortoq 30, ulloq 15. november aappassaaneerneqassasoq.

Naalackersuisut immikkoortumik nutaamik oqaluuserisassanut ilanngussiniarlutik nalunaaruteqarput, tassa immikkoortoq 69, Nioqutissanik eqqussuinermi akitsuutit pillugit Inatsisartut inatsisissaata allanngortinneqarneranik Inatsisartut inatsisissaattut siunnersuut. Maanna siunnersuutigineqarpoq immikkoortoq 69, ulloq 11. november siullermeerneqassasoq kiisalu 14. november aappassaaneerneqarlunilu pingajussaaneerneqassasoq.

Apeqquteqaat aallaavigalugu oqallinissamut siunnersuutit pingasut UKA 2011-mi kingusinnerusukkut oqaluuserineqartussatut kinguartinneqarsimapput.

Immikkoortoq 97, Nukissiuutit avatangiisinut pitsaasut imminnullu akilersinnaanerusut atorneqarnerulernissaannik apeqquteqaat aallaavigalugu oqaluuserisassatut siunnersuut. Maanna siunnersuutigineqarpoq immikkoortoq 97, ulloq 11. november oqaluuserineqassasoq.

Immikkoortoq 27, Inuiaqatigiinni ataqatigiinnerup pilersinneqaqqinnissaa qanoq ililluni qulakkeerneqarsinnaanera pillugu oqallinnissannik siunnersuut. Maanna siunnersuutigineqarpoq immikkoortoq 27, ulloq 11. november oqaluuserineqassasoq.

Immikkoortoq 137, Kalaallinut inuusuttunut sakkutuujusussaaneq pillugu apeqquteqaat aallaavigalugu oqallinnissamik siunnersuut. Maanna immikkoortoq 137, ulloq 11. november oqaluuserineqassasoq.

Siumut apeqquteqaat aallaavigalugu oqallinnissamik nutaamik nalunaaruteqarput, tassa immikkoortoq 36, Ukiup sinnerani aalisartut qaleralinnik saarullinnillu inuutissarsiuteqartut pisasaaruttut, kiisalu aalisakkerivinni qaleralinnik saarullinnillu nioqutissiorfiusuni sulisut sulasaaruttut, isertitaarutivinneq pissutigalugu inuuniarnermikkut atugarliorluinnalertussat pillugit aaqqiissu-taasinnaasunik sunik iliuuseqarsinnaaneq pillugu apeqquteqaat aallaavigalugu oqallinnissamik siunnersuut. Maanna siunnersuutigineqarpoq immikkoortoq 36, ulloq 11. november oqaluuserineqassasoq.

Taamaalilluni ulloq 11. november nutaatut ataatsimiiffissanngorpoq nal. 10.00 aallartilluni.